

Headline	TH buka kaunter jualan kad sim prabayar di premis penginapan		
MediaTitle	Berita Harian		
Date	12 Jul 2018	Color	Full Color
Section	Nasional	Circulation	20,955
Page No	14	Readership	947,000
Language	Malay	ArticleSize	433 cm ²
Journalist	N/A	AdValue	RM 14,926
Frequency	Daily	PR Value	RM 44,778



TH buka kaunter jualan kad sim prabayar di premis penginapan

Tuan Asri

Tuan Hussein

Pengarang Eksekutif

HM

► Madinah



Kaunter pendaftaran kad sim prabayar adalah perkhidmatan terbaru disediakan pasukan petugas Tabung Haji (TH) di sini, yang kini sudah 80 peratus bersedia menerima kehadiran jemaah haji Malaysia dengan kumpulan pertama dijadual tiba Sabtu ini.

Pengarah Operasi TH di sini, Affandi Abdullah, berkata kemudahan itu disediakan pihaknya hasil kerjasama dengan syarikat telekomunikasi tempatan, STC, untuk memberi keselesaan kepada

jemaah haji Malaysia.

Menurutnya, kaunter jualan kad sim prabayar itu akan dibuka di sembilan bangunan penginapan jemaah haji Malaysia yang mampu memuatkan 9,661 orang pada satu masa.

Kad sim STC ini akan dibekalkan secara percuma. Jemaah hanya perlu membuat pendaftaran di kaunter dan membayar mengikut jumlah kredit dalam kad sim atau mengikut jumlah kredit isian semula mereka.

“Untuk mendaftar, jemaah hanya perlu membawa kad pengenalan diri haji dan tidak perlu membawa pasport. Dengan kemudahan ini, jemaah tidak perlu ke premis syarikat telekomunikasi dan beratur panjang untuk membeli kad sim prabayar,” katanya dalam pertemuan dengan media Malaysia di Pejabat Operasi TH di sini, semalam.

Headline	TH buka kaunter jualan kad sim prabayar di premis penginapan		
MediaTitle	Berita Harian		
Date	12 Jul 2018	Color	Full Color
Section	Nasional	Circulation	20,955
Page No	14	Readership	947,000
Language	Malay	ArticleSize	433 cm ²
Journalist	N/A	AdValue	RM 14,926
Frequency	Daily	PR Value	RM 44,778



Affandi (dua dari kanan) memerhatikan petugas membuat persiapan bagi menguruskan jemaah haji Malaysia di Pejabat Operasi TH Madinah.

Kumpulan jemaah pertama tiba Sabtu

Affandi berkata, kumpulan pertama jemaah haji Malaysia seramai 483 orang dijadual tiba dengan pesawat Airbus A380 di Lapangan Terbang Antarabangsa Putera Mohammad Bin Abdulaziz di sini pada jam 10 pagi, Sabtu ini.

Katanya, 45 peratus daripada ke-

seluruhan 30,200 jemaah haji dari Malaysia akan masuk ke Madinah terlebih dulu tahun ini sebelum bergerak ke Makkah untuk menyempurnakan ibadah haji.

"Jemaah akan berada di Madinah selama lapan hari sebelum berangkat ke Makkah. Untuk menguruskan mereka, seramai 187 daripada keseluruhan 600 petugas haji tahun ini ditempatkan di

Madinah," katanya yang juga Naib Konsul ibu pejabat TH di Jeddah.

Beliau berkata, seperti sebelum ini, kemudahan lain yang disediakan TH di bangunan penginapan jemaah haji Malaysia di sini ialah rawatan kesihatan, kaunter pengeluaran wang, maklumat ibadah, sesi kaunseling dan perkhidmatan penghantaran bagasi.